

Матфеин 26 бөлг.

1. Иисус дасхжах сурхулян төгсөхэд, Эврэннь сурхульчнртан келв:
2. «Хойр өдр давж одхла, Паасх болх, Күмни Көвүн кирст хадлһнд бэрүлж өггдх.»
3. Эн цагла Бурхна эрүн ах эмтн, Бурхна дегтр бичдг эмтн болн оln эмтнэ медэтнр Каифа гидг нертэ Бурхна эрүн ахин хашад цуглрцхав.
4. Селвлцэд, эдн Иисусиг мек һарһад алхар шиидцхэв.
5. Эдн келцхэв: «Сэн өдрлэ кехмн биш, юңгад гихлэ эс гиж эмтн дурго болх.»
6. Иисус Вифаньд бээсн цагт, хальдвр гемтэ Симона герт күүкд күн алебастрас кесн буһшд эрднь тоста Терүнүр өөрдв.
7. Хот уужасн цагла, тер Иисусин толһаг эн авч ирсн тосарн түркв .
8. Энүг үзэд, Терүнэ сурхульчнр уурлад келцхэв: «Яһад тоолвр угаһар мөңг һарһжахмб?
9. Эн үнтэ тосиг хулдж болх билэ, һууль һуужжах эмтнд мөңгинь өгхмн билэвидн.»
10. Болв Иисус келсинь медэд теднд келв: «Яһад эн гергиг эмэлһэд бээнэт эн Нанд ик сэн керг кев,
11. яһад гихлэ һууль һуудг эмтн кезэ чигн таднла бээх, болв Би – оньдинд бээшгов.
12. Эн тос Мини цогц деер асхад, Намаг оршалһнд белджэнэ.
13. Таднд үнэр келжэнэв: «Альд болв чигн эн Байрта Зэңг келгдхлэ, цуг делкэд эн гергиг мартшго, ю кесинь — бас мартшго.»
14. Тиигхлэ арвн хойр сурхульчнрин негнь Иуда Искарот гидг нертэ Бурхна ах эмтн тал йовад сурв:
15. «Би Энүг бэрэд таднд өгхлэ, нанд ю өгнт?» Эдн һучн цаһан мөңг өгх болв.
16. Түүнэ хөөн эн Терүг бэрүлхэр эвтэ цаг хээдг болв.
17. Эс искен һуйрин байрин түрүн өдрт Иисус тал сурхульчнр ирэд сурцхав: «Мадн альд Паасх Танд белдхмб?»

18. Эн келв: «Балһс орад таньдг күүг олж авад, терүнд медүлтн: «Багш келжэнэ - Мини цагм өөрдж йовна. Би сурһульчнртаһан чини герт Паасх кенэв.»
19. Сурһульчнр Иисусин келснь күцәһэд, Паасх белдв.
20. Асхн ирхлэ, Иисус арвн хойр сурһульчнртаһан хотан эдлцхэв.
21. Тедн хот эдлжәсн цагт Иисус келв: « Таднд үнэр келжәнэв, таднас негнтн Намаг бэрүлж өгх.»
22. Тедн йир икэр һундв, күн болһн Терүнэс сурв: « Багш! Би биший?»
23. Тер келв: «Нанла һарарн ааһд шүүслсн, тер Намаг бэрэд өгх»
24. Болв Күмни Көвүн Бурхна үгд бичгдсн хаалһар йовж йовна. Зуг Күмни Көвүг бэрүлж өгсн күүнд зовлң ирх, тер күн төрлго бээсн болхла, сән болх билэ.»
25. Бэрүлж өгчэх Иуда Иисусас сурв: «Багш! Би биший?» Иисус терүнд келв: «Чи келвч.»
26. Хот эдлжәсн цагла, Иисус өдмг авад, эдслэд, хуһлад, сурһульчнртан өгэд келв: «Авад идтн. Эн мини цогц.»
27. Ааһ авад, ханлтан өргэд, теднд өгэд келв: «Эн ааһас цуһар уутн,
28. яһад гихлэ эн Мини шин бооцан цусн, оln улсин килнц тэвүлхин төлө асхржах.»
29. Таднд келжәнэв: «Уста үзмин темсәс тер өдр күртл уухшв, шин чаһр Мини Теңгрин Эцкин орн-нутгт таднла уухв.»
30. Эдн дууһан дуулчкад, Элеонск уул деер һарцхав.
31. Тиигхлэ Иисус теднд келв: «Эн сө тадн цуһар Нанас көлтә цөкрхт, яһад гихлэ бичэтә: Хөөчиг алхла – хөд тарж одх.
32. Намаг әмдрсн хөөн таниг Галилейд күләнэв.»
33. Пётр Терүнд келв: «Кемр Танас көлтә цуһар цөкрхлэ, би төрүц цөкршгов.»
34. Иисус энүнд келв: «Үнэр чамд келжәнэв, эн сө эр така дуулхин өмн чи һурв дәкж Нанас цөкрхч.»
35. Пётр Энүнд келжәнэ: «Кемр нанд Танла хамдан үкх учр харһвчн, би Танас

хооран цухршгов.» Цуг сурһульчнр бас тиигж келцхэв.

36. Терүнэ хөөн Иисус теднлэ нег һазрт ирв, терүг Гефсимания гиж нерэднэ, сурһульчнртан келв: «Энд бээжэтн, Би йовад тенд зальврнав.»

37. Эн Пётриг болн хойр Зеведеин көвүг авад дахулав, Иисусин зовлң болн һашудлһн эклв.

38. Тиигхлэ Эн теднд келв: «Мини седкл үкм дүнгэ зовжана! Мини өөр серглң бээтн!»

39. Невчкн цааран йовчкад, Тер чирәһәрн һазрт унад, мөргэд келв: «Эцк Мини! Арһ бээхлэ, эн ааһ мини хәврһәр йовтха! Болв Миниһәр биш, Танаһар болтха!»

40. Сурһульчнр тал өөрдэд, Иисус тедн унтсиг үзэд, Пётрт келв: «Тадн нег часин дунд Нанла серглң бээж чаджахшийт?»

41. Жилвтлһнд орлго бээхин төлэ серглң бээтн болн зальвртн. Сүмсн сергмжтэ, цогц чинэ алдна.

42. Иисус цааран һарад, мөргэд келв: « Эцк мини! Арһ бээхлэ, эн ааһ мини хәврһәр йовтха, тер ааһас Намаг бичэ уулһ, зуг Тана таал күцтхэ!»

43. Иисус ирэд тедниг унтсинь үзв, яһад гихлэ теднэ, нүднэ зувкнь күндрж оч.

44. Тедниг үлдәчкэд, Иисус дәкэд теднәс невчк цааран һарад, һурвдад мөргв, келсн үгән дәкэд давтв.

45. Тиигхлэ Иисус Эврәннь сурһульчнртан ирэд келв: «Тадн ода чигн унтад бээнт? Амрчант? Цаг ирв, Күмни Көвүн килнцтэ әмтнә һарт бәрүләд өггдх.

46. Бостн, йовцхай! Намаг зарһд орулж өгсн күн өөрдэд ирв.»

47. Иисус келә бээтл, Иуда ирв, эн арвн хойр сурһульчнрас негнь билә, терүнлә дала әмтн Бурхна әрүн ах күүнәс болн медәтнрәс ирв. Эдн үлдтә болн жидтә билә.

48. Терүнэ урвач теднд докъя өгэд келв: « Мини үмссн - Иисус, Терүг автн.»

49. Эн шулун Иисусур өөрдэд келв: «Багш, байрл! Тиигэд Терүг үмсв»

50. Иисус энүнд келв: «Үр, яахар ирвч?» Тиигхлэ, тедн өөрдэд, Иисусиг бәрцхэв.

51. Негнь Иисуста бээсн эмтнэс һаран өмн татад, үлдэн һарһж авад, Бурхна эрүн ах күүнэ мухлаг цокхла, үлднэ терүнэ чикинэ тээрв.
52. Тиигхлэ Иисус келв: «Үлдэн ормднэ орк, яһад гихлэ үлд һартан авсн эмтн, үлдэсн үкх.
53. Аль юн гиж санжанаһ? Намаг Эврәннэ Эцкэсн арвн хойр легионас үлү Бурхна зарцнриг илгэ гиж сурхла илгэхий?
54. Тиигхлэ яһж Эрүн Бичгт бичснэ күцэгдх?»
55. Эмтнд Иисус келв: «Тадн үлд болн жид авсн Намаг бэрхэр ирвт, Намаг деермч гиж санжанат? Одр болһн Би таднла сүмд сууһад, тадниг сурһдг билэв, Намаг тадн көндэсн угат.
56. Тиим юмн билэ. Урдаснэ медж ээлдэч бичснэ ода болжана.» Тиигхлэ цуг сурһульчнр энүг үлдэчкэд гүүһэд йовж одцхав.
57. Иисусиг бэрж авсн эмтн Каиафа гидг нертэ Бурхна эрүн ах күүнд күргв, терүнэ герт Бурхна дегтр меддг эмтн болн медэтнр цуглрцхав.
58. Пётр холас Терүнэ ардас Бурхна ах эрүн күүнэ хаша күртл йовв. Дотрнэ орад, эн зарцнрта сууһад, юуһар чилхинэ үзхэр седв.
59. Бурхна ах эрүн эмтн, отгин һардачнр болн цуг синедрион Иисусин тускар гемшэлһнэ герчнр Терүнд үклин таавр һарһхар седлэ, болв тиим юм олж чадсн уга.
60. Худл келсн эмтн олн болв чигн, тедн юм олж чадсн уга. Сүүлднэ хойр худлч герчлв:
61. «Эн келлэ: «Би Бурхна сүмиг хамхлж чадхув, болн һурвн өдрин туршарт терүг босхж чадхув.»
62. Бурхна ах эрүн күн босн Иисусд келв: «Яһад юм эс келнэч? Эдн Чамаг гемшэжэнэ».
63. Иисус тагчг билэ. Бурхна ах эрүн күн энүнд келв: « Эмд Бурхар Чамаг икэр эржэнэв! Кел, Чи Христос – Бурхна Көвүн» - маднд кел.
64. Иисус энүнд келв: «Чи келвч. Болв таднд келжэнэв эн цагас эклэд Күмни

Көвүг барун тал Бурхнас сууснь болн нааран теңгрин үүлн деер иржэхиг тадн үзхт.»

65. Тиигхлэ Бурхна ах эрүн күн эврәннь хувцан шуучад келв: «Бурхиг му келжэнэ! Таднд яһж медгднэ? Ода тадн Терүнэс Бурхиг му келсинь соңслат!

66. Таднд яһж медгднэ?» Тедн келцхэв: «Эн үкх зөвтә!»

67. Тиигхлэ зэрмнь чирэднь нульмцхав, цокцхав, халхарнь ташцхав.

68. Болн келцхэв: «Христос, кен чамаг цокснь кел?»

69. Петр хашад суула. Терүнүр зарц күүкд улсас негнь өөрдж келв: «Чи бас Галилеин Иисуста билэч?»

70. Болв Пётр тенд бээсн улсин өөр келсинь гөрдэд келв: «Юуна тускар келжэхичин меджэхшв.»

71. Өргн үүднэ ца һархлань, терүг дэкэд нег зарц күүкд күн үзв. Эн тенд бээсн улст келв: «Назаретин Иисуста эн билэ.»

72. Эн күүг медхшив гийһэд андһар өгч, Петр дэкэд гөрдв.

73. Невчкн цаг давж одхла, әмтн ирцхэв, тенд зогссн Пётрт келцхэв: «Чини келн чамаг медүлжэнэ, чи теднэс негнь.»

74. Тиигхлэ эн андһаран өгэд, эн күүг медхшив гиж келсн үгән батлв. Дарунь эр така хээкрв.

75. Тиигхлэ Иисусин келсн үг Пётрин сананднь орв: «Эр така хээкрхин өмн, һурвад Нанас гөрдхч.» Тегэд эн һарад һашун нульмсан асхрулад уульв.